

菊坡叢話

菊坡叢話卷之四

花木類

揚誠齋云詩有驚人句如白樂天月中桂詩云遙怜天上桂
華孤爲問嫦娥更要無月中幸有閑田地何不中央種兩
株又如杜子美山水障歌云堂上不合生楓樹怪底江山
起烟霧又斫却月中桂清光應更多韓子蒼衡岳圖云故
人來自天柱峯手持石廩與祝融兩山坡陀幾百里安得
置之行李中此又是用東坡所謂我持此石歸袖中有東
海之句杜牧之云我欲東召龍伯公上天揭取北斗柄蓬
萊頂上幹海水盡見底看海空李賀云女媧鍊石補天
處石破天驚逗秋雨此語最驚人者也

王建題唐昌觀玉藥花詩云一樹瓊鬆玉刻成飄廊點地色
輕々女冠夜覓香來處惟見堦前碎月明高齋詩話云今
瑤花即玉藥花也王介甫以之比瑤蓋瑤玉名取其白耳
黃魯直又更其名爲山礬謂可以染也故傅子容詩云比
瑤更礬總未佳要須博物似張華因觀異代前賢帖知是
唐昌玉藥花蓋楊汝士與白帖云唐昌玉藥以少故貴江
南山々有之土人取以供染事不甚惜也劉禹錫亦有詩
云玉女來看玉樹花異香先引七雲車攀枝弄雪時回首
驚怪人間日易斜胡荽溪云元和中花盛開有一女子年
可十七八衣綉綠衣乘馬容色婉約從以二女直造花所
佇立良久取花數枝謂女冠曰曩有玉峯之約自此可以

行矣既去人知以爲神仙之遊張籍亦有詩云九色雲中
紫鳳車尋仙來到洞仙家飛輪回首無踪跡惟見斑斑
地花亦不前說白樂天集賢院玉藥詩云芳意將闌風又
吹白雲辭葉雪辭枝集賢讐校無閑日落盡瑤花尚不知
黃魯直戲詠高節亭山欒花云北嶺山欒取次開清風正
用此時來平生習氣難料理愛着幽香未擬回

詩林

紅梅清艷兩絕昔獨盛於姑蘇晏元獻移植西園第中特珍
賞之一日貴游賂園吏得一枝分接由是都下徧有之晏
公嘗與客飲花下賦詩云若更遲開二三月北人應作杏
花看客曰公詩固佳待北客何淺也公笑曰顧儋父安得
不爾一坐絕倒王君玉以詩寄元獻云館娃宮北舊精神

粉瓊瓊寒露葉新園吏無端偷折去鳳城從此有雙身王
介甫亦有詩云春半花終發多應不柰寒北人初未識渾
作杏花看與元獻暗合然語意皆工勝元獻遠矣

西清

詩話

梅雪壓喬林凍未開始知天意欲春回雪中未問和羹事先
向百花頭上開此王沂公梅詩也呂文穆公見之曰此已
安排狀元宰相矣後果然

梅方虛谷曰梅見於書詩周禮人記大戴禮左氏傳管子淮
南子山海經爾雅本草取其實而已曰爾雅藍梅曰標有
梅曰蓮人八梅標者謂梅時有乾濕曰藍梅曰標有五月黃
梅爲豆實曰水火醃醃梅以魚魚肉曰五沃之土其梅

其杏曰一梅不足為百人酸曰雲山之上其實乾腊郭璞
註腊為乾梅曰梅拂似杏實酢曰梅實明目益氣不飢未
以其花為貴也惟詩山有嘉卉侯栗侯梅大戴禮夏小正
王月梅杏種桃始華一言卉一言華說苑越使諸發執一
枝梅遺梁臣韓子顧左右曰惡有一枝梅乃遺列國之君
乎由是考之則梅以花貴自戰國始西京雜記漢初脩上
林苑群臣各獻名果有朱梅有紫花梅同心梅紫蒂梅則
梅種之多特以花書又自西漢始漢武帝元封三年作栢
梁臺詔群臣有能為七言者乃得上座天官令曰枇杷橘
栗桃杏梅梁簡文帝引此為梅花賦而曰七言表栢梁之
詠則知漢武帝時始有七言詩及梅也亦恐不專主花荆

州記曰陸凱與范曄相善自江南寄梅一枝詣長安與曄
併贈詩曰折梅逢驛使寄與隴頭人江南無所有聊贈一
枝春詩家以為晉人非宋文時范曄姑從其說則梅花五
言詩自晉時始也大槩梅花詩五七言至梁而大盛梁簡
文帝雪裏不見梅花詩有云絕訝梅花晚爭來雪裏窺定
須還剪綵學作兩三枝梁元帝詩有云梅含今春樹還臨
先日池人懷前歲憶花發故年枝鮑泉詩有云可怜階下
梅飄蕩逐風回度簾拂羅幌紫窠落梳臺陰鏗有詩云春
近寒雖薄梅舒雪尚飄從風還共落照日不俱消更有吾
詩有云寒梅朝始發庭雪晚初消道遠終難寄馨香徒自
饒庾信詩有云當年臘月半已見梅花開不信今春晚俱

來雪裏看早知覓不見真悔着衣單此雖非全篇皆可膽
炙其清雅者如何遜云兔園標物序驚時寂是梅街霜當
路發映雪疑寒開枝橫卻月觀花遶凌風臺朝灑長門泣
夕駐臨邛孟應知早飄落故逐上春來其七言流麗者如
江惲有云臘月正月早驚春衆花未發梅花新梅花芬芳
臨玉臺朝攀晚拆還復開蒲酌金卮催玉柱落梅樹下宜
歌舞又有一句全聯可觀者叙臨曲池影扇拂玉堂梅梁
元帝也砌石披新錦梁花畫早梅陰鏗也草短猶通隸梅
香漸着人徐君倩也綠條初變柳紫蒼欲舒梅隋煬帝也
公唐及宋則梅花詩殆不止千首而一聯一句之佳者無
數矣紅梅蠟梅亦附乎此格物在致知玩物則喪志在學

者擇之

紅梅蘇東坡詩云怕愁貪睡獨開遲自恐冰容不入時故作
小桃紅杏色尚餘孤瘦雪霜姿寒心未肯隨春態酒暈無
端上玉肌詩老不知梅格在更看綠葉與青枝石曼卿紅
梅詩云認桃無綠葉辨杏有青枝坡嘗謂此兩句村學堂
中體也范石湖梅譜因詩老字以為聖俞詩非矣此三首
第二首末云不應便雜夭桃杏半點微酸已着枝第三首

前聯云丹鼎奪胎那是寶玉人頰頰更多姿俱佳

方子通和周楚望紅梅詩云清香皓質世稱奇試作輕紅更
自宜紫府與丹來換骨春風吹酒上頰脂直教臘雪無藏
處只恐朝雲有去時溪上野桃何足種春人應獨未相知

范石湖梅譜稱此換骨凝脂之味曾季狸裘甫著鮮齋詩話以爲徐師川十三歲時詩見在東坡蓋妄也陳剛中刊板著爲方子通詩子通荆公同時人荆公嘗愛其半出岸沙颿欲死繫舟時有去年痕之句書于座右後人誤刊入荆公集中

紅梅韓無咎詩云不隨群艷競年芳獨自施朱對雪霜越女謾誇天下白壽陽還作醉時粧半依脩竹餘真態錯認天桃有暗香月底瑤臺清夢到霓裳新換舞衣長韓尚書南澗本桐木泚寓信州茶山之甥呂成公即無咎之壻無咎有子曰琥字仲正號澗泉有高節詩與趙昌父並傳

黃梅花王平甫詩云庾嶺開時媚雪霜秣園春色占中央未

客鶯過毛無類已覺蜂歸蠟有香弄月似浮金宵水飄風
如舞麴塵場何人剩著栽培力太液池邊想菊裳宋熙寧
前未有蠟梅之號至元祐蘇黃在朝始定名曰蠟梅蓋王
才元園中花也直方之父作蠟有亭時則蠟梅詩開山祖
似當以平甫詩爲首也

蠟梅揚誠齋詩云玉粟圓雕甯金鈿細着行來從真蠟國自
號小黃香夕吹撩寒馥晨曦透暖光南枝本同姓喚我作
他楊范石湖梅譜謂蠟本非梅類以其與梅同時香又相
近色酷似密脾故名蠟梅九三種檀香梅爲上磬口梅次
之花小香淡以子種出不經接者爲下又謂最難題訣乃
誠然也山谷后山簡齋俱爲五言小絕句而東坡倡后山

和亦有七言律詩大率言黃言香而已高子勉一絕云少
鎔燭淚粧應似多麝龍涎嗅不如只愁東風有機事夜來
聞破幾丸書此爲至佳

尤延之蠟梅和詩云快瀉鵝黃若下春要將香色開清珍蠟
丸暗拆東君信梅貌寧欺我輩人光價未輸何遜早詩篇
重見豫章新渾金璞玉爭多少要與江梅作近親此詩二
首取一蠟丸梅貌亦新前詩末云強學瞿曇金作面只應
微怪老禪親皆能言其色也

東南有蠟梅蓋自近時始元祐間黃魯直諸公方有詩前此
無有賦詠政和間李端叔在姑蘇元夕見之僧舍中嘗作
兩絕其後篇云程氏園當尺五天千金爭賞徒朱闌莫因

今日家々有便作尋常兩樣看觀端叔此詩可以知前時
他處未嘗有也

竹坡詩話

陳簡齋和張規臣水墨梅五絕其一刻畫無鹽醜不除此花
風韻更清殊從教變白能爲黑桃李依然是僕奴其二病
眼昏花已數年只應梅藥故依然誰教也作陳玄面眼亂
初逢未敢冷其三繁々江南萬玉妃別來幾度又春歸相
逢京洛渾依舊惟恨緇塵染素衣其四含章簷下春風面
造化功成秋兔毫意足不求顏色似前身相馬九方臯其
五自續西湖處士詞年々臨水看幽姿晴窗畫出橫斜影
絕勝前村夜雪時胡荅溪云簡齋墨梅臯字韻一絕微廟
召對稱賞自此知名仕宦亦浸顯陳無已所以謂之詩能

達人矣未見其窮也葛魯卿序簡齋集亦用此語蓋爲足也

落花宋郊字伯庠後改名庠字伯序皇祐宰相謚元憲弟祁字子京翰林學士謚景文夏英公竦守安州兄弟以布衣游學席上令賦落花詩元憲詩曰一夜春風拂苑牆歸來何處剩淒涼漢臯珮冷臨江失金谷樓危到地香淚臉補痕煩顚髓舞臺收影費驚腸南朝樂府休賡曲桃葉柳根盡可傷子京詩云墜絮翻紅各自傷青樓烟雨忍相忘將飛更作迴風舞已落猶成半面妝滄海客歸珠迸淚章臺人去骨遺香可能無意傳雙蝶盡付芳心與蜜蜂英公以爲有台輔器後元憲狀元景文甲科同榜天下以爲二宋

其詩學李義山崑體義山落花詩云落時猶自舞掃後更
餘香此詩祖之漁隱叢話云南史宋元帝妃徐氏無容質
不見禮以帝眇一目知帝將至爲半面妝以俟此半面妝
所從出也若回風舞無出處則對偶偏枯不成佳句殊不知
李賀詩云花臺欲暮春辭去落花起作回風舞前輩用
事必有來處又精確如此誠可爲法也

王半山詠酴醾金沙二花合殿詩云相扶照水弄春柔發似
矜誇歛似羞碧合晚雲霞上起紅爭朝日雪邊流我無丹
白知如夢人有朱鉛見即愁疑此冶容時所忌故將膠木
比綢繆注真誥第三卷丹白存於胃中則真感不應謂情
愁之感男女之想也膠木詩言木枝下垂故葛藟得而附

之以譬后妃不忌衆也

螢雪叢說云人之得失各自有時初不知其所以然也有朋
友於試罷之後聞望不著遂欲捨書學劍無所不至龍舒
王先王奉一絕云得則欣々失則悲桃紅李白各隨時雖
然屬在東君手問着東君也不知

服長松之名前世未有晁以道居嵩山陳叔易作詩求之云
松上花兮松下根食之年貌與松隣君今既是松間客採
送衰翁亦可人以道答云長松不經黃帝手小斲謾翻松
室雲縱有何堪寄夫子鼎頭寶氣自氤氲予亦和之云暫
隱嵩山六々峯未乘雲氣御飛龍自餐白石求黃石更採
長松寄赤松

珊瑚鈎詩話

荆公見道傍大松人取爲明因賦詩云虬角龍髯不可攀亭
亭千丈蔭南山應嗟無地逃斤斧豈願爭明燭火間公自
註云松意尚不願採於匠石充棟梁之用况肯區區與螢
燭爭明於頃刻間耶

或有稱詠松之句影搖千尺龍蛇動聲撼半天風雨寒者一
僧在坐曰未若雲影亂鋪地清聲寒在空或以語聖俞聖
俞曰言簡而意不遺當以僧語爲優

王直方詩話

詠物詩不待分明說盡只髣髴形容便見妙處如魯直醢醢
詩云露濕何郎試湯餅日烘荀令炷爐香義山雨詩云城
城度瓜園依々傍竹軒此不待說雨自然知是雨也後來
陳無已諸人多用此體

呂氏童蒙訓

沙草則衆人所謂水邊林下之物所與遊戲者牛羊鷗鳥耳
而荆公造而爲詩曰愛此江遼好留連到日斜眠分黃犢
草坐占白鷗沙其筆力高妙殆若天成凡貧賤則語言不
爲人敬信歲寒則無如松竹魯直造而爲詩曰語言少味
無阿堵水雪相看有此君其語便韻

蔡窗

朱喬年笋詩云春風吹起籊龍兒戰々蒲山人未知急喚著
頭斲煙雨明朝吹作碧參差蓋前人有詠笋云急忙且喫
莫踟躕一夜南風變成竹喬年點化乃爾精巧余觀魯直
先已有此句從斌老乞苦笋云煩君更致簪玉來明日風
雨皆成竹前詩並蹈襲魯直也漁隱玉林云按白樂天笋
詩云且喫莫踟躕南風吹作竹亦襲此語耳

玉屑

荆公詠竹云人憐直節生來瘦自許高材老更剛曾與蒿棘
同雨露終隨松栢到風霜慈溪黃氏震曰此詩見其自少
抱負不凡 日抄

文與可善畫竹四方人持纈素而請者足相躡於門與可厭
之罵曰吾將以爲機材聞者以爲口實後自洋州寄書與
東坡書尾有待將一段鵝溪綃掃取寒梢萬尺長坡曰竹
長萬尺當用綃二百五十匹因復以詩云爲愛鵝溪白蘭
光掃殘雞距紫毫芒世間那有千尋竹月落亭空影許長
後東坡又寄和與可洋洲園池簣營谷詩云漢川脩竹賤
如蓬斤斧何曾赦籜龍料得清貧餒太守渭川千畝在曾
中詩至與可正與要游公中煖笋晚食發函得詩失笑噴

飯滿案 洞江詩話

常應物酌故入重九求摘詩云吟君卧病思新摘始摘猶酸
亦未黃書後欲題三百顆洞庭須待滿林霜黃山谷云余
往時以爲右軍帖中贈子黃柑三百者比見右軍一帖云
奉摘三百枚霜未降不可多得蘇州蓋取諸此

歐陽公守滁陽築醒心醉翁二亭於琅琊幽谷命幕客謝判
官雜植花卉其間謝以狀問名品公即以一絕句書其紙
尾云淺深紅白宜相間先後仍須次第裁我欲四時携酒
去莫教一日不花開 西清詩話

杜子美有江畔獨步尋花詩云黃四娘家花滿蹊千朵萬朵
壓枝低留連戲蝶時時舞自在嬌鶯恰啾啾蘇東坡亦有

記林氏媼詩云縹帶網技出絳房綠陰青子送春忙消々
泣露紫含笑焰々燒空紅佛桑落日孤烟知客恨短籬破
屋爲誰香主人白髮青裙挾子美詩中黃四娘胡茗溪云
齊魯大臣二人而史失其名黃四娘者獨何人哉因托此
詩以傳不朽世間幸不幸類如此區々二婦人者皆得詩
人托名於數百載之後亦可謂奇遇也矣

詩林

劉禹錫看牡丹詩云今日花前飲甘心醉幾杯但愁花有語
不爲老人開蘇子由云此詩感慨東坡吉祥寺賞牡丹一
絕正與此同意詩云人老簪花不自羞花應羞上老人頭
醉歸扶路人應笑十里珠簾半上鉤此詩取杜牧之東風
十里揚州過捲上珠簾恐不如東坡蓋用此語也

秦少游作牽牛花詩云銀漢初移漏欲殘步虛人倚玉闌干
仙衣染得天邊碧乞與人間向曉看此少游汝南作教官
時於程文通會間席上賦此真佳句也荆江詩話

杜工部櫻桃詩云西蜀櫻桃也自紅野人相贈滿筠籠數迴
細寫愁仍破萬顆勻圓許許同憶昨賜沾門下省退朝擊
出大明宮金盤玉筋無消息此日嘗新任轉蓬詩眼云老
杜此詩前四句如禪家所謂信手拈來頭頭是道者直書
目前所見平易委曲得人心所同然但他人艱難不能發
耳至於後四句感興皆出於自然故終篇適屬韓退之亦
有詩然所作搜求事迹排比對偶其言出於勉強所以相
去甚遠若非老杜在前人亦安敢輕譏韓詩云漢家舊種

光明殿炎帝還書本草經豈似蒲朝承雨露共看傳賜出
青真香隨翠籠擎偏重色照銀盤瀉未停食罷自知無補
報空然慚汗仰宸扆

王維櫻桃詩云芙蓉闕下集千官紫禁朱櫻出上蘭摠是寢
園春薦後非閑御苑鳥啣殘歸鞍競帶青絲籠中使頻傾
赤玉盤飽食不須愁內熱大官還有蔗漿寒韓偓亦有謝
人惠含桃詩云時節雖同氣味殊未知堪薦寢園無合充
鳳食留三島誰許鶯偷過五湖苦筍恐難同象七酪漿無
復瑩蠟珠金鑿歲々長宣賜忍淚看天憶帝都此詩正用
杜意

並詩林

鄭谷詠落葉未嘗及凋零飄墜之意人一見之自然知爲落

葉詩曰返蟻難尋穴歸禽易見窠
隔廊僧不厭一箇俗嫌多
冷齋夜話

王荊公詠陶續畫菜之詩其後歸之老圃而結云陶生養目
渠養腹各以所能爲物役慈溪黃氏曰荊公失言矣畫菜
可言物役種菜豈可言物役耶
日抄

東坡謂詩人詠物至不可移易之妙如桑之未落其葉沃若
是也故坡之詠橄欖詩云紛々青子落紅塩正味森々苦
且嚴待得微甘回齒頰已輸崖蜜十分甜蓋凡果之生也
必青及熟也必變色如梅杏半傳黃朱果爛枝繁是也惟
有橄欖雖熟亦青故謂之青子不可他用也
事類賦

石曼卿詠小桃二絕其一云生色深紅綵帶長宮簾寒在井

闌香母家昇上瑤池品先得春風半面妝其二云本分桃花寒食前小桃長是上春天二喬二趙俱傾國女弟嬌強意自先胡荅溪云曼卿二詩其模寫命意豈不佳哉曼卿又有詠紅梅詩云認桃無綠葉辨杏有青枝東坡則謂其語至陋材學中體也

詩林

胡致隆號蕭灘居士與黃山谷往來其座上分題賦藕詩云平生冰雪姿七星羅心胸豈無有絲毫上裨天子聰而不自薦達胡爲乎泥中沉痾正無賴安得君從容其子亦可憐風味如乃翁此詩可謂曲盡詠物之情矣

鄭谷柳詩云半煙半雨溼橋畔間杏間桃山路中會得離人無限意千絲萬絮惹春風胡荅溪云人謂此詩乃柳謎子

觀者試一思之可見其善譚也 詩林

劉禹錫有楊柳枝詞曰鳳闕輕遮翡翠幃龍池遙望麴塵絲
御溝春水相輝映狂殺長安年少兒楊巨源亦有折楊柳
詩云江邊楊柳麴塵絲立馬煩君折一枝唯有東風最相
惜慇懃更向手中吹胡茗溪云唐毛文錫有詞云鶯鶯對
浴銀蟾暖水面蒲梢短垂楊低拂麴塵波汪彥章詩云垂
垂梅子雨細麴塵波然則麴塵亦可以言水也或云周
禮鞠衣注云黃桑服也色如麴塵象桑葉始生鞠者草名
花色黃世遂以麴塵為鞠塵其說非是 詩林

陳恭公執中以衛尉寺丞知梧州驛遞上疏乞立儲貳真宗
嘉其敢言翌日臨朝袖其疏以示執政歎獎久之召為右

正言然為王冀公所忌一日真宗賦御溝柳詩宣示兩省
皆和進恭公因進詩曰一慶春來一慶新翠光長得照龍
津君王自愛天然色恨殺昭陽學舞人句意俱高東軒
筆錄

鄭谷海棠詩云濃淡芳春滿蜀鄉半隨風雨斷鶯腸浣花溪
上堪惆悵子美無心為發揚古今詩話云杜子美母名海
棠子美諱之不作此詩後吳中復詩亦云子美詩才猶閤
筆至今寂寞錦城中石曼卿云杜甫句何畧薛能詩未工
至楊誠齋乃云豈是少陵無句子少陵未見欲如何陳去
非亦有詩云海棠默々要詩催日暮紫綿無數開欲識此
花奇絕處明朝有雨試重來蓋用鄭谷纒艷最宜新着酒

妖嬈全在欲開時之意 詩林

杜子美君蜀累年吟咏殆遍海棠奇艷而詩章獨不及何耶
鄭公詩云浣花溪上空惆悵子美無心爲發揚宋朝名士
賦海棠甚多往往以此爲實事如石延年云杜甫句何畧
薛能詩未工錢易詩云子美無情甚都官着意頻李定詩
云不沾工部風騷力猶占勾芒造化權獨王荊公詩用此
作梅花最爲有意所謂少陵爲爾牽詩興可是無心賦海
棠又凌景陽末句云多謝許昌傳雅什蜀都曾未識詩人
人不道破尤爲工也許昌薛能處也

韻語陽秋

東坡謫居齊安時以文章游戲三昧齊安樂籍中李宜者色
藝不下他妓然他妓因燕席中多得詩宜以語訥不能有

所請人皆咎之坡將移臨安於飲餞處宜哀求於坡人半
酣笑謂之曰東坡居士文名久何事無言及李宜恰似西
川杜工部海棠雖好不吟詩 詩話摠龜

彭淵材五恨有海棠無香及戲李丹任昌州而言昌州獨有
海棠最香

前輩作花詩多用美女比其狀如曰若教解語應傾國任是
無情也動人陳俗哉山谷作醪醑詩曰肌膚冰雪薰沉水
百草千花莫比方露濕何郎試湯餅日烘荀令炷爐香乃
用美丈夫比之若將出類而劉淵材作海棠詩又不然曰
雨過溫泉浴妃子露濃湯餅試何郎意尤工也 冷齋夜話
石林詩話云韓持國雖剛果特立風節凜然而消致風流迫

出流輩許昌崔象之侍郎舊第今爲杜君章家所有
小亭僅丈餘舊有海棠數株持國每花開載酒日飲其下
歲以爲常至今人能言之余嘗於亭柱間得公二絕句其
一云濯錦江頭千萬枝當年未解惜芳菲而今得向君家
見不怕春寒雨濕衣尚可想見當時氣味韓忠憲公嘗帥
蜀持國兄弟皆侍行尚少故前詩云耳其三云長條無風
亦自動芳艷著雨更相宜謾其後句曾存中家池中島上
亦有海棠十許株余爲守時亦與王幼安諸人聯鑪宴飲
然此公勝處不能繼也 石林詩話

冠準字平仲華州人中進士第相真宗初知歸州巴東縣每
期會賦役不出符移唯具鄉里姓名揭縣門民莫敢侵者

嘗賦詩有野水無人渡孤舟盡日橫之句時人以爲若得
大用必濟大川手植雙栢於縣庭至今民以比甘棠謂之

棠公栢

言行錄

宋王珪監維揚郡王安石爲幕官陳昇之爲衛尉丞韓魏公
出守是邦初夏圃內芍藥盛開有金腰帶者四朵公召四
人同賞各簪一朵其後相繼作相果符花瑞也

丁謂爲侍中嘗賦詩云千金家累非良寶一品官高是強名
未幾而籍沒資產削免官爵果符言志也其在中書時揔
領山陵事李維在翰林將授其親職爲挽郎懇請於謂曰
更在陶鑄謂應聲曰陶鑄復陶鑄辭郎又省郎維對曰自
然堪下流何必更殘傷未幾而謂敗至朱崖撰詩賦文論

數十篇號知命集其詩有草解忘憂之底事花能含笑之
何人之句

國老談苑全詩在後

煬帝征遼長安貢御車女表寶兒年十五腰支纖麗駛愁帝
寵愛之時洛陽進合帶花云得之嵩山帝以迎輦名之其
花外紫內素粉藥紅心枝幹甚羣類通草其香惹衣移日
不散嗅之令人不睡命寶兒持之號曰司花女時詔秘書
郎盧世南草征遼指揮德音勅帝謂世南曰昔傳飛燕可
掌上舞朕疑儒生文飾今寶兒殆是然多愁態卿可朝之
世南進絕句曰學盡鴟黃半未成垂肩蟬袖太愁生緣愁
却得君王惜長把花枝傍盤行上大悅

隋遺錄

杜牧之詠華清宮詩云長安回望繡成堆山頂千門次第開

一騎紅塵妃子笑無人知是荔枝來明皇天寶間浹州貢荔枝到長安色香不變貴妃乃喜州縣郵傳疾走稱上意人馬僵斃相望於道說者謂此詩甚佳但幸華清宮時未有荔枝也

曾南豐福州擬貢荔枝狀興化陳紫福州紅綠興化方紅又陳家紫小陳紫宋公荔枝周家紅泉之藍家紅漳之何家紅泉之法石白福之綠枝圓丁香皆以次第著錄其外有虎皮牛心玳瑁琉黃朱柿滿桃紺殼龍牙皆以形名之出福州水荔枝蜜荔枝丁香荔枝雙髻小荔枝真珠荔枝所出不一十六娘閩王女好食此而得名將軍荔枝五代時有此官種之斂頭荔枝以其小粉紅荔枝以其淡中元紅

以其晚右二十品無次第一品紅言極品也在福州宅堂
狀元紅言第一也出福州報國院

黃氏日抄

外楊誠

齋有謝趙吉守餉三山生荔支詩并龍眼詩俱在飲食類
元何貞立瀏陽人歐陽原功之友婿少有俊名舉進士原功
欲拔入翰林於廣揭諸公極稱道之及相見適僧旦景初
持墨菊卷詣翰林求題諸公請貞立賦之貞立勉強賦云
陶令歸來不受官黃花朵晚霜寒悠然一見南山後故
向東籬仔細看所作殊負所聞諸公意頗不愜真公爲題
云過了黃河無此種江南秋老萬僧寒此花開遍風光盡
莫作尋常草木看江南舊有僧萬公善畫菊揭公詩不及
記歐公詩云苾蒨元是黑衣郎當代深仁始賜黃今日黃

花翻澹墨本來面目見馨香僧舊衣黑謂之緇流元文宗
寵欣笑隱始賜着黃真立以詩故竟不得入翰苑歐公亦
不復言虞公歸老臨川嘗語門人曰人之出處固自有定
若真立者講學之功恐亦有未至焉

胡祭酒文集

趙昌父詠菊詩云蔓菊伶俜不自持細香仍着野風吹少年
踴躍豈復夢明日蕭條更自悲潭水鮮令胡廣壽夕英何
補屈原飢我今謾學潯陽隱晚立寄懷空有詩方萬里云
菊花不減梅花而賦者絕少此淵明之所以無第二人也
歷選菊詩僅得此首乃章泉作所用二事謂能爲胡廣之
壽而不能救屈原之飢殆亦有所爲而發也章泉全是枯
骨勁鐵不入俗眼

韓丕菊花絕句云造化工夫豈異端自緣開晚少人看若教
擬似陶潛眼肯向芳春賞牡丹此詩提出菊花之晚節與
淵明之風致句意俱高

陶弼字商翁有文武功材工詩宋神宗朝人仕宦廣西晚守欽
順二州有途次葉縣觀千葉桃花一詩云三月官桃滿上
林一花千萼費春心禁公城外襄河北一樹無人色更深
又有對花有感詩云得莫欣欣失莫悲古今人事若花枝
桃紅李白薔薇紫問着東風自不知

丁謂貶朱崖云雷化已南山多凌零蘼香芬芳襲人動或數
里因賦山居詩云峒口清香襲海濱四時芬馥四時春山
多綠桂憐同氣谷有幽蘭讓後塵草鮮忘憂底事花能

含笑、何人爭如彼美欽天壤長薦芳香奉百神含笑花
亦產於海南

詩人詠物形容之妙近世爲最如梅聖俞蠟毛蒼、蝶不死
銅盤蠹、釘頭生、吳姬鬪敗絳幘碎海鮮抉出真珠明誦
此則知其詠艾也東坡海山仙人絳羅襦紅綃中單白玉
膚不須更待妃子笑風骨自是傾城姝誦此則知其詠荔
支也張文潛平池碧玉秋波瑩綠雲擁扇青瑤柄水仙宮
女鬪新粧輕步凌波踏明鏡誦此則知其詠蓮花也如唐
彥謙詠牡丹詩云爲雲爲雨徒虛語傾國傾城不在人羅
隱詠牡丹詩云若教解語應傾國任是無情也動人非不
形容但不能臻其妙處耳蘇黃又有詠花詩皆托物以寓

意此格尤新奇前人未有之也東坡謝杜沂遊武昌以酹
醪見惠詩云淒涼吳宮闕紅粉埋故苑至今微月夜笙簫
來絕巘餘妍入此花千載尚清婉山谷詠水仙花詩云凌
波仙子生塵襪水上盈步微月是誰招此斷腸魂種作
寒花寄愁絕詠桃花絕句云九疑山中萼綠華黃雲承煥
到羊家真筌虫蝕詩句斷猶托餘情開此花余嘗因庭下
黃白菊花相間開遂效此格作詩詠之曰何處金錢作玉
錢化為胡蝶夜翻青絲網住芳叢上開作秋花取意妍
金玉錢事見杜陽雜編唐穆宗時禁中花開夜有蛺蝶數
萬飛集花間宮人以羅巾撲之無有獲者上令張羅空中
得數百暎明視之皆庫中金玉錢也古人有詠玉簪花詩

云宴罷瑤池阿母家飛瓊扶上紫香車玉簪墜地無人拾
化作東南第一花 漁隱

牡丹前史無說惟謝康樂集中言開元末裴士淹得白牡丹
一窠植於私第當時有詩云長安年少惜春殘爭認慈恩
紫牡丹別有玉盤承露冷無人起就月中看後歐陽永叔
花品序云牡丹出丹州延州東出青州南出越州西出洛
陽今爲天下第一余嘗謁錢思公於雙桂樓下見一小屏
立後細書字滿其上思公指之曰欲作花品此是牡丹名
凡九十餘種予時不暇讀之然予所經見今人多稱之者
纔三十許種不知思公何從而得之多也

羅隱牡丹詩云落盡深紅始見花之時比屋事豪奢買栽池

館恐無地看到子孫能幾家門倚長衢攢繡轂幄籠輕日
護香霞歌鍾滿座爭歡賞肯信流年鬢有華唐人牡丹花
七言律四首韓昌黎李義山各一羅隱又有云若教解語
應傾國任是無情也動人國史補記曹唐語以爲詠女子
障故不取此詩前聯絕好

晁無咎次韻李拒牡丹詩云天紅穠綠總教回更待清明穀
雨催一朵故應偏晚出百花渾似不曾開常誇西洛青屏
簇久說南徐紫錦堆任是無情還有意不知千里爲誰來
又次韻雙頭牡丹詩云寒食春光欲盡頭誰拋兩路傍
越二喬新獲吳宮怯雙隗初臨晉帳羞月裏故應相伴語
風前各是一般愁使君腹有詩千首爲爾情如篆印繆方

云選着題詩此二首不可刪也二喬雙隗婦人事以譬牡丹可耳二篇中各有奇絕佳句

梨花楊大年詩云繁花如雪早傷春千樹封侯未是貧漢苑
謾傳盧橘賦驪山誰識荔枝壘九秋青女霜添味五夜方
諸月溜津楚客狂醒嘲已解水風猶自獵汀蘋楊文公億
字大年首與劉筠變國初詩格學李義山集爲西崑醇唱
集雖張乖崖亦學其體二宋猶於此體深入者

杜子美謾興詩云糝徑楊花鋪白氍點溪荷葉疊青錢笋根
稚子無人見沙上鳬雛傍母眠冷齋夜話云稚子唐人有
食笋詩云稚子脫錦綳頭玉香滑則稚子爲笋明矣贊
寧雜誌則曰竹根有鼠大如猫其色類竹亦名稚子謾叟

則曰當爲野雉之稚或以爲童稚非也桐江詩話云冷齋
引唐詩爲證何謬之甚也唐詩蓋謂笋之脫箨如小兒之
解紉便以推子爲笋則非也少陵詩本特誤以雉爲稚耳
蓋笋生乃雉哺子之時言雉子之小在竹間人不能見也
凡作詩貴雕琢又畏有斧鑿痕貴破的又畏粘皮骨此所以
爲難李商隱柳詩云動春何恨桀榭曉幾多枝其有斧鑿
痕也石曼卿梅詩云認桃無綠葉辨杏有青枝恨其粘皮
骨也能脫此二病始可以言詩矣

詩有句中眼唐詩有曰長因送人處憶得別家時又曰舊國
別多日故人無少年而荆公東坡用其意作古今不經人
道語荆公詩曰水末北山煙掃々草根南澗水冷々綠成

白雪桑重綠，割盡黃雲稻。正青東坡詩曰：春畦雨過羅紈膩，夏穽風來餅餌香。如華嚴經：舉果知因，譬如蓮花，方其吐花而果具，藥中造語之工。至於荆公山谷東坡盡古今之變，荆公江月轉空為白，晝嶺雲分暝作黃昏。又曰：一水護田將綠遶，兩山排闥送青來。東坡海棠詩曰：只恐夜深花睡去，高燒銀燭照紅妝。又曰：我携此石歸，袖中有東海。山谷曰：此謂詩之句中眼。學者不知此妙韻，終不勝。
齊夜話

楊巨源作城東早春詩云：詩家清景在，新春綠柳絲。黃半未勻，若待上林花似錦，出門俱是看花人。謝疊山云：此詩喻士大夫知人當於孤寒貧賤中求之。若待其名譽彰聞始

知幾拔特衆人之智不足言知人矣邵康節先生荅章惇
問牡丹曰見根莖而知花之品色者上也見枝條而知花
之品色者次也見蓓蕾而知花之品色者斯爲下矣如君
所言又其下者也有人賦牡丹云洛陽園花草煙寒夢想
堯夫一寸丹安得枝頭知上品今人多是就花看

玉簪花一名鷺鷥尤遂初詩云一種幽花迥出塵孤高耻逐
艷陽辰瑤枝巧挿青鸞扇玉藥斜歌白鷺巾難與松筠爭
歲晚也同葵藿趁時新西風昨夜驚庭祿蒲院清香惱殺
人此詩題目甚生前聯可喜以備多聞

種竹曾茶山詩云近郊蕃竹樹手種蒲庭隅餘子不足數此
君何可無風來當一笑雪壓要相扶莫作封侯想生未歸

木奴曾文清公名幾字吉甫號茶山學山谷詩得三昧
柳絮之作甚多不喻之爲輕狂則傷之爲閨怨唯石敏若一
詩甚佳詩曰苦無筋骨太輕柔何物如君得自由帶雨飄
來成墜雪捲春歸去作飛毬向人有意長如舞到處爲家
不解愁一陣東風邀勒住倒吹還補舊梢頭石柔字敏若
宋神宗朝試館職其詠雪詩云鸚鵡杯中未覺貧寒疑酒
面不成鱗如何飛上參軍鬢與惱紅樓歌舞人故黃山谷
贈詩有云才似謫仙唯欠酒情如宋玉更逢秋

張芸叟次韻賦揚花詩云隨風墜落事輕猥巧占人間欲夏
天只恐障空飛似雪從教慘徑白於綿未央宮暖黏歌袖
楊子江清惱客船老去強寬愁底事昏花滿眼意茫然張

芸叟名辨民閩中人娶陳后山之姊詩學白樂天曰畫墁集晚歸長安名其居曰榆門莊又自號研齋

水犀楊誠齋詩曰塵世何曾識桂林花仙夜入廣寒深移將天上衆香國寄在梢頭一粟金露下風高月當戶夢回酒醒客聞砧詩情惱得渾無奈不為龍涎與水沉此誠齋與尤延之張功甫各和數首砧字最難押惟此首唱

開元寺山茶蘇東坡賦詩云長明灯下石闌干長共松杉鬪歲寒葉厚有稜羣甲健花深少態鶴頭丹久陪方丈曼陀雨蓋對先生首宿盤靈囊盛開知有意明年歸後更誰看此詩為揚誠齋拈出亦真佳句

王初寮觀僧舍山茶詩云山僧手種兩山茶看到婆娑髮已

華應為客懷驚歲杪先將春色照天涯綠裁犀甲層層葉
紅染猩唇艷々花凍煩如丹相映渥不辭衝雨踏泥沙方
云初察王安中字獲道附麗匪人入翰苑至右丞燕山帥
其罪彌天所作四六一時稱雄當蘇學方以為禁而陰襲
東坡步驟世人不悟也詩之應制者多為未透徹遽謫象
州後詩頗佳此山茶詩亦全用東坡句翻出不可不令學
者知之晚節有子知泉州迎奉宇宙分裂而斯人卒令終
云

楊誠齋山茶詩云樹子圓々映碧岑初看喚作木犀林誰將
金粟銀絲繪簇釘朱紅菜碗心春早橫招桃李妬歲寒不
受雪霜侵題詩畢竟輸坡老並尊有棧花兼深此詩吟盡

山茶之態末句正用坡意

榴花陳后山和王充實評云春去花隨盡紅榴暖欲燃後時
何所恨獨處不祈憐樂之自相偶重之又更鮮流珠沾暑
雨改色淡朝煙着子專寒酒移根擅化權愧非無價手刻
畫竟難傳方萬里云後時獨處一聯蓋后山自謂勁氣凜
不可干如揀花詩亦云幽香不自好寒艷未多知皆自況
之辭世人未知后山之谷詩從何而入蓋以此餘醖榴花
詩並觀之樂之自相偶榴花雙葉自相偶則不求偶於他
者也意亦高

古詩如迢迢牽牛星句皆疊字王十朋守泉州起造貢院垂
成雙蓮呈瑞亦用疊句成詩以勉士子詩云大厦垂之就

雙蓮得々開雙々戴千佛兩々應三台歡意重々合香風
比々來人々宜自勉舉々有廷魁且云泉南雙蓮凡三開
梁魁登第泮官有雙蓮之瑞故詩意及之又永嘉有雙蓮
橋楊公濟章安集有詩云昨日采蓮者雙々橋畔新舊花
今不見喜見似花人


范石湖詠州宅堂前荷花詩云凌波仙子靜中芳也帶酣紅
學醉粧有意十分開曉露無情一餉斂斜陽泥根玉雪元
無染風葉青葱亦自香想得石湖花正好接天雲錦畫船
涼此明州々宅也淳熙七年庚子石湖以前參政起家帥
鄞作也五六甚佳一

呂東萊木芙蓉絕句云小池南畔木芙蓉雨後霜前着意紅

猶勝無言舊桃李一生開落任東風此詩極從容含不盡之意蓋絕句之法也王荊公詠詩云還似美人初睡起強臨青鏡欲粧慵覺得味短不及遠矣

王荊公與微之同賦梅花得香字三首其三詩云淺水池塘短小牆年々為爾惜流芳向人自有無言意傾國天教抵死香鬢裊黃金危欲墮蒂團紅蠟巧能粧嬋娟一種如冰雪依倚春風笑野棠方云遐齋閑覽云九詠梅多詠白而荊公獨云鬢裊黃金蒂團紅蠟不惟造語巧麗可謂能道人不到處矣予亦謂褒許太過蒂疑紅蠟綴初乾林和靖已嘗道來此篇惟向人自有無言意一句近自然要之自况殊覺急迫無和靖水邊林下自得之味也

菊坡叢話卷之四



菊坡叢話卷之五

臨川單宇編集

鳥獸類

禽獸之瑞 萬物皆天地之委和而瑞物又至和之所委也
蓋泰和之世山瀆郊靈治化感孚四方畢獻故珍禽異獸
出爲王者之瑞赤鯉神魚表爲受命之符是皆已然之迹
可謂博古之徵也用采其事著之篇端

麒麟 鵬冠子云玄枵之精 黃帝時麒麟在囿

周成王時遊于苑 漢武幸雍祀五時獲白麟作白麟之

歌 又中嶽獲駮熊 郊雍獲一角獸 皆麟屬

黃山谷云麟有趾而不踈仁哉麟哉有角而不抵仁哉麟哉今之人一朝之忿以觸人滅身辱親嗚呼人中有獸人
中有人

澤獸黃帝時出能知萬物之精以戒於民爲時除害賢君明德幽遠則來 說文神人以薦遺黃帝

跣蹄之獸自能言語王者仁孝則來禹平水而至

白狼湯時有神牽白狼銜鉤而入商朝 宣王得之而犬戎服

郭璞贊曰應符受質乃銜靈鉤惟德是道出殷見周

崔融賀表有云金精景鏤玉毒霜翹

白虎王褒講論昔文王應九尾狐而東夷歸周武王獲白

魚而諸侯同辭周公受鉅鬯而鬼方臣宣王得白狼而夷狄賓今南郡獲白虎亦偃武興文之應也獲之者張武張而猛服也是以北狄賓洽

黑兔呂端白黑者北方之色兔陰類將有夷狄解難稽首於闕之下乎

白兔瑞應圖王者恩加耆老則見周宣王時兔舞于鎬京賀表有云豈比魯傳趙郡獨歌如練之詞實同晉獲青春又繼凝鉛之詠來從月窟疊霜毳以蒙茸獻自梁園繁冰毫而皎潔增輝瑞謀歸羨皇猷

白麀王者刑罰理則至晉咸寧三年見魏都

天鹿者純靈之獸也五色光耀洞明王者道備則至

白鹿黃帝時南夷乘來獻鬯 周宣王伐犬戎得四白鹿以

歸 漢武帝因白鹿發瑞應造白金

唐時獻至多 權德輿表云漢得之於槐里齊獲之於敏

丘 李蒙賦畫轡爲飾綠纘稱珍一炯如玉立皎若霜華

勁角昭曩縞色呈鮮

角端者日行萬八千里又曉四夷之語明聖在位明達方外

幽遠之事則奉書而至 並宋志

白貉 咸康八年見燕國

神羊唐開元產京兆興平

獬豸似鹿而一角人君刑罰得中則生於朝廷主觸不直者

賦云步元墀以龍擾向彤庭而鵠視一爾羊來思其儀孔

嘉望表知裏揆瑜識瑕騰雙眸而舉狂聳特角而觸邪一
神直簪筆風清衣綉一分兩造之疑冠百祥之特守法者
仰之以司南疾惡者投之於有北扶直指之角象繩愆之
性

騶虞 義獸山海經曰林氏有珍獸大若虎五采畢具尾長
於身其名騶吾來之日行千里

騶牙建章宮後閣有物狀如麋東方朔曰騶牙也遠方當來
歸義其後一歲昆邪王降

馴象 漢元狩二年南越獻 應劭曰教能拜舞同章從人
意也 唐德宗放舞象二十有二于荆山之陽

白象 常袞表云隨萬國而來庭與百獸而率舞如知禮樂

之節益盛羽儀之容

羣漢平黃支國獻羣牛狀如牛四足類象黑色

角當額

鼻又有小角

馬

伏羲龍馬出河

黃帝飛黃伏皂如狐

奔乘黃

禹

飛菟

漢余吾

渥洼

又有吉良

吉光龍駒之名

鳳皇淮南子黃帝治天下鳳皇翔于庭

二皇鳳止于庭

伏羲神農

三代鳳止于門

堯舜禹

周室鳳至于澤德

彌澆所至彌遠德彌精所至彌近

郭璞贊鸞翔女牀鳳出丹穴拊翼相和以應聖哲

鸞鸞國語周之興也鸞鸞鳴于岐山

文鶡若彩編成王時蜀人獻之

赤燕一羽飛集少昊氏之戶遺其丹書日佚子

黃帝時祇支國獻重明鳥

白燕師曠時銜丹書至

黃鵠大鳥一舉千里非白鵠也師古注漢有黃鵠歌

鶴瑞應圖黃帝習樂崑崙有玄鶴集其右翔其左

堯有青鶴音中律呂唐有舞鶴臺宋有翔鶴曲淮

南之經鮑照之賦翼松喬於碧落侶鸞皇於紫烟

白鳩宋元嘉中沈演之上頌曰有哲其儀時維皓鳩性懿五

教名編素丘殷曆方昌婉翹來遊漢錄克韓爰降爰休豈

伊赴林必周之相豈伊歸義必商之所惟德是依惟仁是

慶育景陽微濯安帝宇雉飛越裳鸞起西雍烝然戾止寶

燕斯容

鳩鵲漢章時條支國獻高七尺解人語國太平則群翔

白鵲唐正觀巢寢殿槐上左右賀上曰何足賀命毀之縱野
外

五色鴈漢宣帝立世宗廟告祠有鴈五色集殿前

赤鴈漢武帝行幸東海獲赤鴈作朱鴈歌

禮樂志郊祀歌載象瑜十八赤鴈集六紛負殊翁雉五采

文神所見施祉福登蓬萊結無極 翁鴈頭也

赤烏武王渡孟津有火自上復下至于王屋流為烏其色赤
其聲魄董仲舒曰受命之符 吳武昌見改年墨子赤烏
銜珪降周之岐社曰命周文王伐殷

白鳥漢蜀郡王追為益州太守政化尤異神馬四足出淇水
河中甘露降白鳥見始興學校漸變其俗

唐河陽獻白鳥

宋霸州獻

邢州獻

張說進白鳥賦有莫黑之凡族忽變白而效靈感上仁於
孝道合中瑞於祥經既集王屋飛隨帝輦捧日高翬迎風
細轉鑒深心於反哺移報德於君親雪羽霜毛永清玉狀
三足鳥 漢元和集沛國 唐宋俱有蒼鳥見

瑞應圖宗廟禮敬備於孝慈則白鳥至孝慈動天地則三
足鳥來文王時見 王者孝弟則蒼鳥至

白雉成王時越裳氏重九譯而至獻白雉於周公 韓詩外傳
漢元始越裳氏獻白雉一黑雉二詔三公薦宗廟

明帝獲素鳥

光武日南獻白雉

宋孝武上白雉表陶氣仁風練色淳露

唐謝觀賦云歷雉門而捧進隨鴻臚而坐入利觚玉植脩
綉縞戰其爭珉潔其神露凝稟時清之化非日浴之能

雀黃帝將興有黃雀赤頭立於日旁帝曰黃者土之精赤者
火之榮雀者爵也余當王立大功乎

文王亦雀銜丹書來至

漢武有青雀為青雀門

魏武執政赤雀見於庭

唐有神雀臺在陝州

唐謝觀賦白雀云黃以為名赤以為翼銜丹書以告社執

玉琛以述職

龜梁記青黑綠者天子之寶龜

史記玉作棟

梁劉孝儀上毛龜表云元蔡赤文表軒皇之政神龜青純
彰姬公之德有緇衣之大夫衣玄繡之衣裳

魚湯沉璧洛水黃魚雙躍出濟于壇化為黑玉

詩正義

周白魚入王舟

漢宣神魚舞河

唐開元獲魚有銘又

元宗至漳水赤鯉騰躍聖皇之瑞也潘炎賦曰惟赤鯉之
呈祥殊白鱗之入舟非竹箭之危湍無聞點額同昆明之
望幸匪為吞鉤豈其為祥必河之鯉用表皇族克繁帝祉
頽麟耀彩碧水無波周文之時躍于沼漢宣之代舞于河
幾禽中惟鶴標致高逸其次鷺亦閑野不俗若規、棊及羽
毛飛鳴則陋矣李德裕云拂日疑星落凌風訝雪飛陶雍
云立當青草人先見行近白蓮魚未知皆無遠韻許渾云

雲漢知心遠林塘覺思孤顧非熊雙鷺一聯云刷羽競生
堪盡意依泉各有取魚心僧惠崇云曝翎沙日暖引步島
風清照水千尋迥樓烟一點明如歐陽公詩云風格孤高
塵外物性情閑散水邊身盡日獨行溪澹處青苔白石見
纖鱗真佳句也

唐漢詩話

荆公送呂望之赴臨江詩云黃雀有頭顱長行萬里餘想因
君出守暫得免苞苴詩話云荆公此詩總二十字耳崇仁
愛抑奔競皆具焉何以多為能行此言則虐生類以飽口
腹刻疲民以肥權勢者寡矣以臨江有黃雀故云後蘇子
由有詩云農夫舉網驚合圍懸脰係足膚無衣百箇同生
仍相依頭顱萬里行不歸與荆公語同

詩林

東坡題畫二草虫蝸牛詩云腥涎不滿殼聊足以自濡升高
不知休竟作粘壁枯鬼蝶詩云雙眉捲鐵絲兩翅暈金碧
初來花爭妍忽去鬼無迹此二詩雖不用事與語而蝸牛
之戒登高鬼蝶之歎倏忽者皆有深意矣

趙彦材詩話

黃山谷云吾兒時誦韓文公贈同遊詩喚起窻全曙催歸日
未西無心花裏鳥更與盡情啼而了不解其意自謫峽川
吾年五十八矣時春晚憶此詩方悟之蓋喚起催歸二鳥
名若虛設故人不覺耳古人於小詩用意精深如此況其
大者乎催歸子規鳥也喚起聲如絡繹圓轉清亮偏於春
曉鳴亦謂之春喚此乃謂之禽言詩亦如用藥名爲詩之
類梅聖俞四禽言詩云泥滑之苦竹岡雨蕭蕭之馬上郎馬

蹄凌兢雨又急此鳥爲君應斷腸婆餅焦兒不食爾父向
何之爾母山頭化爲石山頭化石可奈何遂作微禽啼不
息提葫蘆沽美酒風爲賓樹爲友山花繚亂目前開勸爾
今朝千萬壽不如歸去春山云暮萬木兮參天蜀天兮何
處人言有翼可飛歸安用空啼向高樹

詩林

杜荀鶴牧之微子也有能詩名號九華山人有聞子規詩云
楚天空闊月成輪蜀魄聲之似訴人啼得血流無用處不
如緘口過殘春蔡家齋云此詩有守口如瓶之諷緘口字
從金人三緘事中來

詩林

古人作詩斷句輒旁入他意取爲警策老杜縛鷄行云小奴
縛鷄向市賣鷄被縛急相喧爭家中厭鷄食虫蟻不知鷄

賈還遭烹虫鷄於人何厚薄吾叱奴人解其縛鷄虫得食
無了時注目寒江倚高閣西山文章正宗云一篇之妙在
乎落句黃魯直深達其旨其書醺池寺書堂云小黠大癡
螳捕蟬有餘不足憂伶蚘退食歸來北窓夢一江風月趁
漁船可與言詩者當自解也其作水仙花詩坐對真成被
花惱出門一笑大江橫亦是此意

東坡二虫詩云君不見水馬兒步之逆流水大江東流日千
里此虫趨之長在此又不見鷄濫堆決起隨衝風隨風一
去宿何許逆風還落蓬蒿中二虫愚智俱莫測江邊一笑
無人識此詩末句正用杜詩之意也阿濫堆明皇玉笛翻
為曲調 俱詩林

腹餒何妨形小過槐陌聲甘近草堂豈能同燕雀惟解占
高梁歐公詩話云此詩有詩人規誡之風

米元章少時作宰會歲旱遣吏捕蝗甚急有隣邑宰忽移文
責其吏驅蝗入境元章取公牒作四句書其後而遣之云
蝗虫本是天災不由人力擠排若是散邑遣去却煩責縣
發來可爲一笑

竹坡詩話

歐陽公愛王君玉燕詞云烟迳掠花飛遠之曉窻驚夢語勿
勿梅聖俞以爲不若李堯夫花前語澁春猶冷江上飛高
雨乍晴

遺珠

詩語大忌用王太過蓋鍊勝則意必不足語工而意不足則
格力必弱此自然之理也紅稻啄餘鸚鵡粒碧梧棲老鳳

風枝可謂精切而在其集中本非佳處不若暫去飛鳥將
數子頻來語燕定新巢為天然自在其用事若必子彈琴
邑宰日終軍棄繻英妙時雖字字皆本出處然比今日朝
廷須汲黯中原將帥憶燕頗雖無出處一字而語意自到
故知造語用事雖同出一人之手而優劣自異信乎詩之
難也

蔡寬夫詩話

東坡作病鶴詩有三尺長脰闊瘦軀之句嘗寫三尺長脰瘦
軀闊其一字使任德翁輩下之凡數字東坡徐出其藁蓋
闊字也此字既出儼然如見病鶴矣東坡詩叙事言簡而
意盡惠州有潭中有潛蛟人未之信也虎飲水其上蛟尾
而食之俄而浮骨水上人方知之東坡以十字道盡云潛

鱗有飢蛟掉尾取渴虎言渴則知以虎以飲水而召火言

飢則蛟食其肉矣

唐子西語錄

吳興陸蒙老嘗為常之晉陵宰頗喜作詩時州幕官有好諛
謗同列者一日同會忽聞蟬聲幕官謂陸曰君既能詩可
詠此也陸辭之不可因即席為之曰綠陰深處汝行藏風
露從來是稻梁莫倚高枝縱繁響也因回首顧螳螂因以
是譏之其人愧而少戢

唐溪詩話

張九齡為相有謗謔匪躬之誠明皇怠於政事李林甫陰中
傷之方秋明皇令高力士持白羽扇賜焉九齡作賦以謝
曰苟效用之得所須殺身而何思又曰縱秋氣之移奪終
感恩於篋中又作歸燕詩貽林甫曰海燕雖微眇來春亦

暫來豈知泥滓濺只見玉堂開樓戶時雙入華堂日幾回
無心與物競鷹隼莫相猜林甫知其必退恚怒稍解

明

皇華錄

歐公詩話言魏野啄木詩云千林蠹如盡一腹餒何妨有詩
人規誡之風又治平中有吉水令忘其姓名治邑嚴酷有
野人馬道為啄木詩諷之曰翠翎迎日動紅鬚響烟蘿不
顧泥丸及唯貪得食多才離枯朽木又上最高柯吳楚國
林闌茫々爭奈何令見其詩稍緩刑時人目曰馬啄木

玉屑

隋煬帝好食蛤忽一蛤椎擊不破夜有光其肉又自脫中有
一佛三菩薩之像乃悔而不食商凝式作詩云雖因雀突

化不逐月虧盈惟有天中像神功詎可成凡人嗜欲深者必生異物以警之仍不止則禍斯及矣

鮑當為河南府法曹嘗忤知府薛映因賦孤鴈詩所謂天寒稻梁少萬里孤難進不惜充君厨為帶邊城信薛大稱賞

因號鮑孤鴈

溫公詩話

呂溱字濟叔宋寶元中試鯤化為鵬詩云九霄離海嶠一夕過天地仁宗嘉賞升為第一時有三魁呂溱王昂李易也溱後為中書舍人喜自重見賓客不及數言時號為七字舍人

宣和之初何臬文績丞相為中書舍人時道君皇帝以御書雙鵲賜之諸公多賦詩韓駒子蒼待制時為校書郎賦詩

二章曰君王妙畫出神機弱羽爭巢並占時想見春風鵲
鵲觀一雙飛上萬年枝又舍人簪筆上蓬山輦路春風從
駕還天上飛來雙鳥鵲為傳喜色到人間真佳作也

韓退之土絳州人放誕不拘浪跡秦晉間以詩自名嘗跨一
白驢作詩云山人誇雪精上便不論程嗅地打不動笑天
休始行為人所稱好著寬袖鶴氅醉則為鶴舞石曼卿贈
詩云醉狂玄鶴舞閑卧白驢號

溫公詩話

蔡元長京既貴享用侈靡喜食鵲每預畜之烹殺過當一夕
夢鵲數千訴於前有一鵲致辭曰食君廩中粟作君羹中
肉一羹數百命下箸猶未足羹肉何足論生死猶轉轂勸
君宜勿食禍福相倚伏觀此亦可為饕餮而暴殄天物者

之戒 唐溪詩話

張籍樂府詞清麗深婉五言律詩亦平淡可愛至七言詩則
質多文少才各有所宜不可強文飾文昌有謝裴司空馬
詩曰乍離華厩後蹄澁初到貧家舉眼驚此馬却是一遲
鈍多驚者詩詞微而顯亦少其比 貢父詩話

王荊公在鍾山有馬甚惡蹄齧不可近一日兩校牽在庭下
告公請鬻之蔡天啓時在坐曰世安有不可調之馬第久
不騎驕耳即起捉其驥一躍而上不用銜勒馳數十里而
還荊公大壯之即作集句詩贈天啓所謂蔡子勇成癖能
騎生馬駒者後又有身著青衫騎惡馬日行三百尚嫌遲
心源落之甚為特却是君王未備知士大夫盛傳荊公以

將帥之才許天啓紹聖初章申公當國首欲進天啓侍從
會執政有不悅者乃出為永興軍路提舉常平日欲稍遷
為帥會丁內艱不果猶是荆公遺意也

歐陽永叔稱梅聖俞河豚詩云春洲生荻芽春岸飛楊花河
豚於此時貴不數魚蝦以謂河豚食柳絮而肥聖俞破題
兩句便說盡河豚好處此言過矣河豚盛於二月至柳絮
時無矣東坡詩曰竹外桃花三兩枝春江水暖鴨先知菱
蒿滿地蘆芽短正是河豚欲上時胡孝溪云此詩正是二
月景致河豚已盛矣欲上之語似未為穩洪駒父有詩云
菱蒿短之荻芽肥正是河豚欲上時甘美遠勝西子乳吳
王當日未曾知乃自叙云河豚水族之奇物亦能害人歲

有被毒而死者吳人珍之目其腹為西施乳余因戲作此
絕雖然甚美必甚惡河豚味之美也吳人嗜之以喪其軀
西施色之美也吳王嗜之以亡其國茲可為來者之戒

老杜得房公池鵝詩云房相西亭鵝一群眠沙泛浦白於雲
鳳凰池上應回首為報龍隨王右軍李太白詩云鑑湖流
水漾清波狂客歸舟逸興多山陰道士如相遇為寫黃庭
換白鵝晉王右軍羲之姓好鵝山陰道士好鵝羲之往觀
甚悅固求市之道士云為寫道德經當舉群相贈耳羲之
欣然寫畢籠鵝而歸謂寫黃庭經蓋亦誤用矣

燕鄭谷詩云年去年來去忙春寒烟暝度瀟湘低飛綠岸
和梅雨亂入紅樓揀杏梁閑几硯中窺水淺落花溼底得

泥香千言萬語無人會又逐流鶯過短牆此詩詠燕甚著
題司馬溫公同幕以妓會飲僧廬王荊公往闖之使妓踰
牆而去荊公戲集句云去年去年來來去忙暫偷閑卧老僧
房驚回一覺遊仙夢又逐流鶯過短牆但集句一詩不可
用二句

蛺蝶趙昌父詩云不逐春風去仍當夏日長一雙還一隻能
白或能黃戀々不能已翩々空自狂計功歸實用終自愧
蜂房方萬里云自然輕快近楊誠齋尾句尤好入着題選
謝無逸工詩吟蛺蝶詩三百首人呼為謝胡蝶其間甚有佳
句如狂隨柳絮有時見飛入梨花何處尋又曰江天春煖
晚風細相逐賣花人過橋古詩有陌上斜飛去花間倒翅

回又云身似何郎全傳粉心如韓壽愛偷香終不若謝意
深遠成化辛卯冬予友黎大尹之大過訪話及謝為吾郡
人擅詩名有胡蝶詩最佳恨不見其全集余舉古今詩話
僅載此數句黎為筆記而去退而余亦戲作四絕句其一
煖入名園萬物芳風情多半為春忙偶然飛向花前過惹
得詩人訝竊香其二粉翅雙翻太有情海棠庭院往來輕
當時只羨滕王巧一段風流畫不成其三桃紅李白一番
新對舞花前亦可人繞過東來又西去片時遊徧滿園春
其四從知嗜慾損天真不道人間別有春何似桃源千萬
樹却來相逐賣花人黎他日相過余出觀之以供一笑
章孝標唐元和中進士下第作歸燕詩二首一上考官庾承

宣云積累危巢泥已落今年欲向社前歸連雲大厦無棲
處更傍誰家門戶飛一上知舉侍郎鄭愚云翻飛燕畫
堂開送古迎今幾萬回長向春秋社前後為誰歸去為誰
來蓋燕乃智鳥無求於世無忤於人不得志之士往往托
之吟咏以解嘲耳

錢內翰希白畫景詩云雙蜂上簾額獨鵲裊庭柯製之一字
最其所用意處然常蘇州聽鶯曲有時斷續聽不了飛去
花枝猶裊已落第二矣

復齋漫錄

仙客鶴也李文正公詩云胎化仙禽性本殊何人携爾到京
都因加美號為仙客稱向閑庭伴野夫警露有聲雲外遠
翹沙晴影月中孤青田萬里終歸去暫如鶴群莫嘆吁宋

太宗丞相李昉謚文正所蓄五禽名五客鶴曰仙客五禽之一也鷺曰雪客白鸛曰閑客南客曰孔雀西客曰鸚鵡此詩尾句最佳

蟹梅聖俞二月七日吳正仲遺活蟹詩云年々收稻賣江蟹二月得從何處來蒲腹紅膏肥似臍貯盤青殼大於杯定知有口能噓沫休信無心便畏雷幸與陸機還往熟每分吳味不嫌猜此詩三四自然見蟹之狀山谷有詩云雖為天上三辰次未免人間五鼎烹亦奇

病蟬賈浪仙詩曰病蟬飛不得向我掌中行折翼猶能薄酸吟尚極清露華疑在腹塵點誤侵睛黃雀并鷦鷯俱懷害爾情賈島之詩用意苦矣蟬有何病殆偶見之託物寄情

喻寒士之不遇也中四句極其奇澁而塵埃點眼睛尤亘古詩人所未道故曰浪仙用意苦矣

杜少陵有戲作俳諧體遣悶詩云異俗吁可怪斯人難並居
家養烏鬼頗食黃魚舊識難為態新知已暗踈治生
且耕鑿只有不閑渠茗溪胡子曰余觀諸公詩話烏鬼之
說有四曰鸛鵒曰猪曰烏野神曰烏蠻鬼其曰鸛鵒者見
沈存中筆談曰猪者見漫叟云川人每呼猪則作烏鬼聲
其曰烏野神者見蔡寬夫詩話引元微之江陵詩云病竇
烏稱鬼巫占瓦代龜則養字讀為供養之養其曰烏蠻鬼
者見冷齋夜話云川狹路民多供事烏蠻鬼以臨江故頗
頗食黃魚耳俗人不解便作養畜字讀也余考其說沈以

爲鷓鴣者是也

杜少陵螢火詩云幸因腐草出敢近太陽飛未足臨書卷時
能點客衣隨風隔幔小帶雨傍林微十月清霜重飄零何
處歸艇齋詩話云此詩蓋譏小人之得時者首二句言其
所出卑下也末二句蓋言君子用事則掃蕩無遺也老杜
之詩所以冠絕古今者以此詩人李嘉祐亦嘗賦螢火詩
云映水光難定凌虛體自輕夜風吹不滅秋露洗還明向
燭仍藏焰投書更有情猶將流亂影來此傍簷楹此八句
規之然詠一物而已視杜詩真所謂小巫也

老杜寫物之工皆出於目見如花安鶯捎蝶溪喧獺趁魚芹
泥隨燕背花粉上蜂鬚仰蜂粘落絮行蟻上枯梨柱穿蜂

溜窗棧缺燕添巢風輕粉蝶喜花煖蜜蜂喧非日見安能
造此等語又杜詩中喜言蜜蜂如上所錄是也癡齋詩話
呂東萊嘗有詠貓詩云伴我閑中氣味長竹輿遊歷偏諸方
火邊每與人爭席時起偏嫌犬近床能與兒童較幾許豈
於滅獲便相忘它生尚有相從否要捧香爐瀉水囊此詩
曲盡貓之情態月上

菊坡叢話卷之五